

Ciet Gouz Fwn Hungzyiz Bohvuj:

Huzndei Doxgiet Angqyangz Hoenghhwd

团结祥和亲切热烈的坡伍红彝求雨节

□ Lij Yuogjwngb ingj Siobyungz boiz



▲ Aeu gyauejvaiz caeqbaiq, cuengq gwnz daiz gouz fwn.



▲ Aen yizsi gouz fwn, saenzmaed youh geizheih.



▲ Mehlgw nyaengq cangndang, bae diegdangz diuq foux.



▲ Ngomx diuq foux gouz fwn, gyoengvunz sim daengz doh.



▲ Gwnz ciengzdauh diuq foux, vunzraeuz caez gouz fwn.



▲ Gyaep sez youh gyaep fangz, bauj daengx mbanj an'onj.

Moix bi liggaueq ndwensam ndawnyieb, gih raeuz Nazboh Yen Bwzswngj Yangh mbanj Hungzyiz Bohvuj cungj banh ngoenz ciet gouz fwn hozdung hoenghhwd ndeu, vunzmbanj caeuq caencik baengzyoux nem hekyouz angq comz youq diegdangz ndaw mbanj, guh yizsi caeqbaiq gouz fwn, ciengq go diuq foux, nauhyied raixcaix.

Ciet gouz fwn dwg aen ciet conzdungj ndawbiengz vunz Hungzyiz cienbak bi cienz roengzdaeuj ndeu, dwg hangh hozdung cietgingq sinzswng ndeu. Riuz naeuz, caeux youq gunghyenz 897 nienz, gueklaux Nanzcau fatluenh hoenxcienq, beksingq Hungzyiz deuznanh roengz baihnanz, senj daengz ndaw gyaq yienh Nazboh, ra gizdieg Mbanjbohuvj youq roengzdaeuj, daih dem daih gyaqbae, seizneix daengx mbanj miz 50 ranz 226 vunz, baenz ndaw yienh Nazboh aen mbanj dandog vunz Hungzyiz comzyouq ndeu. Vih niemhngex cojcoeng, Mbanjbohuvj moix bi youq liggaueq ndwensam ngoenz ngeihseiq daengz ngeihloeg, cungj ciuq diengan deiheci doisueng ok roeb ngoenzsaenz couh banh ciet gouz fwn. Ngoenzciet, ndaw mbanj ranzranz naengj haexnaengj haj saek, loengh daiz byaek rimrad ndeu daih gij hek gak cuz daeuj ndaw mbanj camgya gouz fwn haenx. Gij doxgaiq dwkcuenq gouz fwn youz daengx mbanj comz banh, miz duz vaiz ndeu, duz mou ndeu, duz ma ndeu, duz gaeq ndeu, sien gaj ma gaj mou caeq goengdojdeih, caiq gaj vaiz caeqbaiq ciengzdauh, lwedvaiz cix faet hwnj nga faex doi youq gak giz bakroen aenmbanj, eiqsei dwg gyaep sez siu cai, caemh lwnh naeuz vunzhek byaij gyaq henz mbanj nyi: Ngoenzneix dwg ciet gouz fwn Hungzyiz, angq coux bouxhek, baengzyoux byaij gyaq dieg neix haenx daeuj ndaw mbanj guhhek, doengzcaeuz gouz fwn.

Yizsi gouz fwn guh sat le, bouxsai Hungzyiz couh roq aennyenz yiengjdungdung, saimbwk lauxnyaq hopngomx geizfan cungqgyang ciengzdauh, humx baenz aen gvaengzluenz hung ndeu, riengz sing gyong diuq gij foux gouz fwn daj ciuhgeq cienz roengzdaeuj haenx. Gyoengq bouxhek, baengzyoux daeuj camgya gouz fwn haenx, caemh foenxfoenx camgya haeuj ndaw doih diuq foux bae, diuqyekyiek angqfaengfaeng, ciengzmienh hoenghhwd nauhyied, cigdaengz daengngoenz doekbya cij dingz. Seizneix, gwnz ciengzdauh gouz fwn gaenq nda daiz baij byaek baenz baiz baenz coij, donq caeuz doxcomz angqyangz nauhyied ndeu couh riengzdwk hainduj lo. Gyoengq bouxsai Hungzyiz baenz vanj baenz vanj gwn laeuj, gingq laeuj, gyoengq dahsau caemh naj riunyumj vah unqnemq dwk gingq laeuj coi gwn laeuj, gwnz ciengzdauh vunz angq sing gyuk, sing riu mbouj dingz. Riengzdwk, gyoengq dahsau Hungzyiz caemhsing ciengq go coux hek, go gingq laeuj hwnjdaeuj, sing go sepset rwenzred ndeidingq dangmaz, gyoengq daegmbauq caemh doq gaem vanj laeuj doq ciengq go fungsou diuq foux fungsou hwnjdaeuj, sing go goksad haprwenz, ndawde lij cab miz sing hatmax beij laeuj, angqangq riuriu, mbouj dingz mbouj duenh, cigdaengz mbwn buemxsuex baihdoeng loh ok di hausek……



▲ Gouz fwn nyinh gomiuz, lush ndaei dem souhaeui.



▲ Dighaz boiq aennyenz, sing rwenzred ndeidingq.



▲ Ngoenzciet baez daeuj daengz, couh ndaej raen sau lengj.